



孝莊紀第十

魏書

孝莊皇帝諱子攸彭城王勰之第三子母曰李
妃肅宗初以勰有魯陽翼衛之勳封武城縣開
國公幼侍肅宗書於禁內及長風神秀蕭美兒
甚美拜中書侍郎城門校尉兼給事黃門侍郎
雅為肅宗所親待長直禁中遷散騎常侍御史
中尉孝昌二年八月進封長樂王轉領中書
將軍三年十月以兄彭城王劭事轉為衛將軍
左光祿大夫中書監實見出也及武泰元年春

二月肅宗崩大都督介朱榮將向京師謀欲廢
立以帝家有忠勳且兼民望陰與帝通榮乃率
衆來赴夏四月丙申帝與兄弟夜北渡河丁酉
會榮於河陽戊戌南濟河即帝位以兄彭城王
勰爲無上王弟霸城公子正爲始平王以榮爲
使持節侍中都督中外諸軍事大將軍尚書令
領軍將軍領左右封太原王己亥一日寮相率有
司奉璽紘備法駕奉迎於河梁庚子直駕還河
西至陶渚榮以兵權在己遂有異志乃遣使來

后及幼主次害無上王劭始平王子正又害丞
相高陽王雍司空公元欽儀同三司元恒芝儀
同三司東平王略廣平王悌常山王邵北平王
超任城王彞趙郡王敏中山王叔仁齊郡王溫
公卿已下二千餘人列騎衛帝遷於便幕旣而
榮悔稽顙謝罪語在榮傳立丑直駕入宮御太
極殿詔曰太祖誕命應期龍飛燕代累世重光
載隆帝緒哲業欲闡茲洪業永在無窮豈圖多難
遺茲百六致使妖悖四起內外競侵朝無恤政

之臣野多怨酷之士寔由女主專朝致茲顛覆
孝明皇帝大情冲順深存隱忍奄棄萬國衆用
疑焉苟求胡出入守神器凡厥有心莫不解體
太原王榮世抱忠孝功格古今赴義晉陽大會
河洛乃推翼飛躬應茲六命德謝少康道愧前
緒猥以眇身老臨萬國如涉淵海罔知所濟可
大赦天下改元泰為建義元年從太原王督將
軍上普加五階在京文官兩階武官三級復天
下租役三年壬寅太原王介朱榮上表請追諡

無上王為皇帝餘死於河陰者諸王刺史贈二
司三品者令僕五品者刺史七品以下及民郡
鎮諸死者子孫聽立後授封爵詔從之癸卯以
前太尉公江陽王繼為太師司州牧驃騎大將
軍開府儀同三司相州刺史北海王顥為太傅
開府仍刺史平東將軍光祿大夫清淵縣開國
侯李延寔為太保進封陽平王尋轉太傅安南
將軍并州刺史元天穆為太尉公封上黨黑王侍
中車騎大將軍儀同三司楊椿為司徒公車騎

大將軍儀同三司頓丘郡開國公穆紹為司空
公領尚書令進爵為王使侍節車騎大將軍雍
州刺史上黨公長孫稚為驃騎大將軍開府儀
同三司進爵為王尋改封馮翊王中軍將軍殿
中尚書元湛為儀同三司尚書左僕射封魏郡
王中軍將軍給事黃門侍郎元瑱為東海王金
紫光祿大夫廣陵王恭為儀同三司甲辰追復
故廣陽王曄故樂安王暕金爵通直散騎常侍勳
城王坦為咸陽王諫議大夫元貴平為東萊王

直閣將軍元肅為魯郡王秘書郎中元暉為長
廣王馮翊郡開國公涇紹景復先爵隴西王扶
風郡開國公馮固東郡公陸子彰北平公長孫
悅並復其先王爵以北平王超還復為安定王
丁未詔內外解嚴庚戌封大將軍介朱榮次子
義羅為梁郡王詔蠕蠕主阿那瓌贊拜不名上
書不稱臣是月汝南王悅北海王顥臨淮王彧
前後奔蕭衍郢州刺史元願達據城南叛五月
丁巳朔加大將軍介朱榮北道大行臺以尚書

右僕射元羅爲東道大使征東將軍光祿勳元欣副之巡方黜陟先行後聞辛酉大將軍介榮還晉陽帝餞於邙陰丙寅詔曰自孝昌之季法令昏泯懷忠守素擁障莫申深怨宿憾控告靡所其有事在通途橫被疑異名例無爽枉見排抑或選舉不平或賦役煩苛諸如此者不可具說其有訐人經公車注不合者悉集華林東門朕當親理寃獄以申積滯已巳齊州郡民賈皓聚衆反夜襲州城會明退走乙亥晉州刺史

樊子鵠克唐州斬刺史崔元珍行臺驪嶺傳首京師壬午詔求德行文藝政事強直者縣令太守刺史皆敘其志業具以表聞得二人以上縣令太守刺史賞一階舉非其人亦黜一階又以舊敘軍勲不過征虜自今以後宜依前式以上餘階積而爲品其從輿駕北來之徒不在此例悉不聽破品受階破階請帛先是蕭瑒遣其將曹義宗寇荊州癸未以中軍將軍吏部尚書費穆爲使持節都督南征諸軍事節度荊州刺史

主羅以討之六月丁亥朔追封兄眞定縣開國
公子眞爲陳留王庚寅以鎮軍將軍金紫光祿
大夫李虔爲車騎大將軍儀同三司特進辛卯
南荊州刺史李志據城南叛通直散騎常侍高
乾邕及弟等率合流民起兵於齊州之平原頻
破州軍詔東道大使元欣喻旨乃降是月葛榮
飢使其僕射任褒率車三萬餘乘南寇至沁水
癸卯以高昌王世子光爲平西將軍瓜州刺史
襲爵秦臨縣開國伯高昌王太尉令高莫王天

穆爲大都督東北道諸軍事率都督宗正珍孫
奚毅賀拔勝介朱陽都等討任褒帝以寇難未
夷避正殿責躬撤膳又班募格收集忠勇其有
直言正諫之士敢決徇義之夫陳國家利害之
謀赴君親危難之節者集華林園面論事幽州
平北府主簿河間邢杲率河北流民十餘萬戶
反於青州之北海自署漢王號年天統戊申以
征東將軍金紫光祿大夫李叔仁爲車騎大將
軍儀同三司率衆討之詔直寢紀業持節募新

免牧戶有投名効力者授九品官已酉詔諸有私馬仗從戎者職人優兩大階亦授實官白民出身外優兩階亦授實官若武藝超倫者雖無私馬亦依前條雖不超倫但射槊翹關一藝而膽略有施者依第出身外特優一大階授實官若無姓第者從八品出身階依前加特授實官辛亥詔曰朕當親御六戎埽靜燕代大將軍大原王介朱榮率精甲十萬爲左軍上黨王天穆摠衆八萬爲前軍司徒公楊椿勒兵十萬爲右

軍司空公穆紹統卒八萬爲後軍是月葛榮衆退屯相州之北秋七月丁巳詔從四品以上從征者不得優階正四品者優一階軍級從三品以上從征四品者優一大階正五品以下還依前格若有征階十餘計入四品三品限授五階已未詔前試守一郡太守唐景崧爲持節都督於東郡召募僑民二千人渡河隨便爲柵準望臺軍是月齊獻武王於鄴西北慰喻葛榮別帥稱王者七人衆萬餘降之乙丑加大將軍

介朱榮柱國大將軍錄尚書事辛巳尚書奏斷
百官公給衣冠劍佩綬舄壬子北州人劉舉聚
衆數千反於濮陽自稱皇武大將軍是月高平
鎮人万俟醜奴僭稱大位畧置百官是月臨淮
王彧自江南還朝八月太山太守羊侃據郡引
蕭肅衍將軍王僧辯攻兗州甲辰詔大都督宗正
珍孫率南廣州刺史都督鄭先護討劉舉於濮
陽破平之以侍中驃騎大將軍臨淮王彧爲儀
同三司是月葛榮率衆圍相州九月乙丑詔太

尉公上黨王天穆討葛榮次於朝歌之南己巳
以征東將軍齊州刺史元欣爲沛郡王壬申柱
國大將軍介朱榮率騎七萬討葛榮於釜口破
擒之餘衆悉降冀定滄瀋殷五州平乙亥萃
葛榮大赦天下改爲永安元年辛巳以柱國大
將軍太原王介朱榮爲大丞相都督河北畿外
諸軍事以榮子平昌郡開國公文殊昌樂郡公
文暢並進爵爲王以司徒公楊椿爲太保城陽
王徽爲司徒冬十月丁亥介朱榮檻送葛榮於

京師帝臨閭闔門榮稽顙謝罪斬於都市丙申
以撫軍將軍太常卿太原王世子菩提爲使持
節驃騎大將軍開府儀同三司丁酉以冀州之
長樂相州之南趙定州之博陵滄州之浮陽平
州之遼西燕州之上谷幽州之漁陽七郡各萬
戶增封太原王余朱榮爲太原國成成又加榮
太師庚戌以侍中鎮南將軍太原郡開國公子
暉兼尚書左僕射爲行臺與齊獻武王討羊羝
壬子太師江陽王繼薨癸丑以膠東縣開國侯

李偁希復其祖爵南郡王是月車騎大將軍儀
同三司李叔仁討邢杲於濰水失利而還大都
督費穆大破蕭衍軍擒其將曹義宗檻送京師
蕭衍以北海王顥爲魏主號年孝基入據南充
之鉅城十有二月戊午以無上王世子韶爲彭城
王陳留王子寬爲陳留王寬弟剛爲浮陽王
剛弟質爲林慮王癸亥齊獻武王行臺于暉與
徐究行臺崔孝芬大都督刁宣大破羊偁於瑕
丘偁奔蕭衍究州平戊寅以上黨王天穆爲大

將軍開府世襲并州刺史封前將軍太中大夫
元凝為東安王十有二月庚子詔行臺于暉回
師討邢杲次於歷下是歲葛榮餘黨韓樓復據
幽州反

二年春正月甲寅于暉所部都督彭樂率二千
餘騎北走於韓樓乃班師二月癸未朔詔諸禁
衛之官從戎有功及傷夷者赴選先叙甲午尊
皇考為文穆皇帝廟號肅祖皇妣為文穆皇后
燕州民王慶祖聚眾於上黨自稱為王柱國大

將軍介朱榮討擒之壬寅詔散騎常侍濟陰王
暉業兼行臺尚書督都督李德龍丘大千鎮眾
國三月壬戌詔大將軍上黨王天穆與齊獻武
王討邢杲夏四月癸未遷肅祖文穆皇帝及文
穆皇后神主于太廟內外百寮普汎如一級曲
赦畿內死罪至流人減一等徒刑以下悉免度
子詔太原王介朱榮下將士並汎加二級辛丑
上黨王天穆齊獻武王大破邢杲於齊州之濟
南杲降送京師斬於都市元顥攻陷考城執行

臺元暉業都督立大千五月壬寅朔元顥克衆
國丁巳以撫軍將軍前徐州刺史楊昱爲使持
節鎮東將軍東南道大都督率衆鎮滎陽尚書
僕射介朱世隆鎮虎牢侍中介朱世承鎮崤峽
辛酉詔私馬仗從戎優階授官壬戌又詔募士
一依征葛榮甲子又詔職人及民出馬優階各
有差乙丑內外戒嚴癸酉元顥陷滎陽執楊昱
介朱世隆棄虎牢遁甲戌車駕北徙乙亥幸
河內丙子元顥入洛丁丑進封城陽縣開國公

元祉爲平原王安昌縣開國侯元鷲爲華山王
並加儀同三司戊寅行臺崔孝芬大都督刁宣
破元顥後軍都督侯暄於梁國斬之擒其卒三
千人以侍中車騎將軍尚書右僕射介朱世隆
爲使持節行臺僕射本將軍相州刺史鎮鄴城
以便宜從事又詔上黨百年以下九十以上板
三品郡八十以上四品郡七十以上五品郡太
原王介朱榮會車駕於長子即日反旆上黨王
天穆北渡會車駕於河內六月己丑儀同三司

費穆爲顯所害壬寅克河內斬太守元襲都督
宗正珍孫秋七月戊辰都督介朱兆賀拔勝從
破石夜濟破顯子冠受及安豐王延明軍元顯
敗走庚午車駕入居華林園昇大夏門大赦天
下以使持節車騎將軍都督潁川郡開國公介
朱兆爲車騎大將軍儀同三司詔以前朝勲書多
竊冒宜一切焚棄之若立效灼然爲時所知者別
加科賞蕃客及邊酋翻城降有勲未叙者不在焚
斷之限北來軍士及隨駕文武諸立義加汎五

級河北執事之官二級河南立義及迎駕之官
并中途扈從亦二級壬申以柱國大將軍太原
王介朱榮爲天柱大將軍加前後部羽葆鼓吹
癸酉臨潁縣卒江豐斬元顯傳首京師甲戌以
大將軍上黨王天穆爲太宰司徒公城陽王徽
爲大司馬太尉公乙亥宴勞天柱大將軍介朱
榮上黨王天穆及北來督將於都亭出宮人三
百緡錦雜綵數萬匹班賜有差又諸州郡遣使
奉表行宮者並加大階丁丑獲元顯弟 斬

於都市詔受元顥爵賞階級悉追奪之己卯以鎮東將軍南青州刺史元旭爲襄城王平南將軍南兗州刺史元暹爲汝陽王閏月辛巳帝始居宮內辛卯以車騎將軍兼吏部尚書楊津爲司空巴州刺史嚴始欣據州南叛蕭肅衍遣其將蕭玩張鴻江茂達等率衆赴援八月庚戌朔詔諸有公私債負錢以上巨萬以還悉皆禁斷不得徵責已未以侍中大傅李延寔爲司徒公丁卯封瓜州刺史元太榮爲東陽王甲戌侍中

太保楊椿致仕乙亥詔車騎將軍右光祿大夫奚毅板授天柱大將軍介朱榮太宰天穆下動及祖父叔伯者昔年者牧守有差九月大鄴督侯淵討韓樓於薊破斬之幽州平万俟醜奴攻東秦城陷之殺刺史高子朗冬十月丁丑以前司空公丹陽王蕭贊爲司徒公十一月己卯就德興自營州遣使請降丁亥詔羣官休停在外者皆令赴闕程會有差丙午以大司馬太尉公城陽王徽爲太保司徒公丹陽王蕭贊爲太尉

公開府儀同三司雍州刺史長孫稚為司徒公
十有二月辛亥蕭衍兖州刺史張景邕荊州刺
史李靈起雄信將軍蕭進明來降

三年春正月己丑益州刺史長孫壽梁州刺史

元雋等遣將與征巴州都督元景夏討嚴始欣

斬之蕭衍都督蕭玩何難尉陳愁敗走斬玩首

俘獲千餘人辛丑東徐州城民呂文欣王赦等

殺刺史元太賓據城反以撫軍將軍都官尚書

樊子鵠兼右僕射為行臺督征南將軍都督賈

顯智征東將軍徐州刺史嚴思達以討之二月

甲寅克之東徐平三月醜奴大行臺尉遲菩薩

寇岐州大都督賀拔岳可朱渾道元大破之夏

四月丁巳以侍中太尉公丹陽王蕭瑨為使持

節都督齊濟兗三州諸軍事驃騎大將軍開府

儀同三司齊州刺史丁卯雍州刺史介朱天光

討醜奴蕭寶夤於安定破擒之囚送京師甲戌

以關中平大赦天下醜奴斬於都市寶夤賜死

於駝牛署六月戊午詔胡民親屬受爵於朝者

黜附編民噉達國獻師子一是月白馬龍涸胡
王慶雲僭稱大位於水洛城署置百官秋七月
丙子天光平水洛城擒慶雲坑其城民一万余
千癸巳蕭衍民車虬卜湯世率堡聚內附庚子
車騎大將軍儀同三司李叔仁坐事除名爲民
九月辛卯天柱大將軍介朱榮上黨王天穆自
晉陽來朝戊戌帝殺榮天穆於明光殿及榮子
儀同三司菩提乃昇閭闔門詔曰蓋天道忌盈
人倫嫉惡疎而不漏刑之無捨是以呂霍之門

禍謹所伏梁董之家各徵斯在頃孝昌之末天
步孔艱女主亂政監國無主介朱榮爰自晉陽
同憂王室義旗之建大會盟津與世樂推共成
鴻業論其始圖非無勞效但致遠恐泥終之實
難曾未崇朝豺聲已露河陰之役安忍無親王
公卿士一朝塗地宗戚靡遺內外俱盡假弄天
威殆危神器時事倉卒未遑明罪豈可以君賊積
行馬首南向捨過責成用平醜虜及元顥問鼎
大駕北巡復致勤王展力行所以此論功且可

補過既位極宰衡地踰齊魯容養之至豈復是
過但心如猛火山林無以供其暴意等漏卮江
河無以充其溢既見金革稍寧方隅漸泰不推
天功專爲已力與奪任情臧否肆意無君之跡
日月以甚拔髮數罪蓋不足稱斬竹書愆豈云
能盡方復託名朝宗陰圖覺逆睥睨天居窺覷
聖曆乃有裂冠毀誓之心將爲拔本塞源之事
矣既厭亂人亦悔禍同惡之臣密來投告將而
必誅罪無容捨又元天穆宗室末屬名望素微

遭逢際會頗參義舉不能竭其忠誠以奉家國
乃復棄本逐末背同即異爲之謀主成彼禍心
是而可忍孰不可恕並以伏辜自貶伊戚元惡
既除人神慶泰便可大赦天下遣武衛將軍奚
毅前燕州刺史崔淵率兵鎮北中是夜僕射介
朱世隆榮妻鄉郡長公主率榮部曲焚西陽門
出屯河陰巳亥攻河橋擒毅等於途害之據北
中城南逼京邑詔以驃騎大將軍雍州刺史廣
宗郡開國公介朱天光爲侍中儀同三司以待

中司空公楊津爲使持節督并肆燕恒雲朔顯汾蔚九州諸軍事驃騎大將軍并州刺史兼尚書令北道大行臺經略并肆庚子詔諸舊代人赴華林園帝將親簡叙以撫軍將軍金紫光祿大夫高乾爲侍中河北大使招集驍勇冬十月癸卯朔封安南將軍大鴻臚卿元寶炬爲南陽王大宗正卿汝陽縣開國公元脩爲平陽王通直散騎常侍龍驤將軍新陽縣開國伯元誕爲昌樂王復通直散騎常侍琅邪縣開國公李

叔仁官爵仍爲使持節大都督以討世隆以魏郡王謀徙封趙郡王謀弟子趙郡王寔改封平昌王儀同三司李虔薨子末班募攻河橋格賞帛授官各有差戊申皇太子生赦天下文武百寮汎二級以平南將軍中書令魏蘭根兼尚書左僕射爲河北行臺定相殷三州稟蘭根節度乙卯通直散騎常侍假平西將軍都督李苗以火舩焚河橋尔朱世隆退走丙辰詔大都督兼尚書僕射行臺源子恭率步騎一万出自西道

行臺楊昱領都督李侃希等部募勇士八千往
從東路防討之子恭仍鎮太行丹谷世隆至建
州刺史陸希質拒守城陷盡屠之唯希質獲免
以中軍將軍前東荊州刺史元顯恭為使持節
都督晉建南汾三州諸軍事鎮西將軍晉州刺
史兼尚書左僕射為征西道行臺節度都督薛
善樂薛修義裴元雋薛崇禮薛懣族等丁卯詔
以世隆北叛河內固守其在城督將文武加
二級兵士給復三年壬申介朱世隆傳興

高都介朱兆自晉陽來會之共推太原太守行
并州刺史長廣王暉為主大赦所部號年建明
普汎四級徐州刺史介朱仲遠反率眾向京師
十有一月癸酉朔詔車騎將軍左衛將軍鄭先
護為使持節大將軍大都督與都督李侃希赴
行臺楊昱以討之乙亥以使持節兼尚書令西
道大行臺司徒公長孫稚為太尉公侍中尚書
令驃騎大將軍開府儀同三司臨淮王彧為司
徒公丙子以驃騎大將軍儀同三司雍州刺史

廣宗郡開國公朱天光開府進爵為王丁丑
尒朱仲遠陷西兗州執刺史王衍癸未以右衛
將軍賀拔勝為東征都督壬辰又以左衛將軍
大都督鄭先護兼尚書左僕射為行臺與勝並
討仲遠戊戌詔罷魏蘭根行臺以後將軍定州
刺史薛曇尚為使持節兼尚書為北道行臺隨
機召發行豫州刺史元崇禮殺後行州事陰導
和擅搆豫州庚子賀拔勝與仲遠戰於滑臺東
失利仍奔之十有二月壬寅朔尒朱兆寇丹谷

都督崔伯鳳戰歿都督辛文義史五龍降兆大
都督源子恭奔退甲辰尒朱兆尒朱度律自富
平津上率騎涉渡以襲京城事出倉卒禁衛不
守帝出雲龍門兆逼帝幸永安佛寺殺皇子并
殺司徒公臨淮王彧左僕射范陽王誨戊申元
曄大赦天下尒朱度律自鎮京師甲寅尒朱兆
遷帝於晉陽甲子崩於城內三級佛寺時年二
十四并害陳留王寬是月河西人統豆陵步蕃
破落韓常大敗尒朱兆於秀容齊州城人趙洛

周據西城反應介朱兆刺史丹陽王蕭贇棄城
走南陽太守趙脩延執荊州刺史李琰之自行
州事
中興二年論爲武懷皇帝大昌元年又論
孝莊皇帝廟號敬宗十一月葬於靜陵

史臣曰魏自孝昌之末天下淆然外侮內亂神
器固將無主莊帝潛思變化招納勤王雖時事
孔棘而卒有四海僭逆旣翦權強擅命卽是兆
謀運智之秋勞謙夕惕之日也未聞長轡之策
遽深負刺之恐謀謨罕術授任乖方猜嫌行致
禍不旋踵嗚呼胡醜之爲孽也豈周衰晉末而
已哉至於高祖不祀武宣享廟二后降鑒福祿
固不永矣

孝莊紀第十

魏書十

廢出三帝紀第十一

魏書十一

前廢帝廣陵王

後廢帝安定王

出帝平陽王

前廢帝諱恭字簡業廣陵惠王羽之子也母曰
王氏少端謹有志度長而好學事祖母嫡母以
孝聞正始中襲爵延昌中拜通直散騎常侍迪
龜中進兼散騎常侍正光二年正常侍領給事
黃門侍郎帝以元父擅權遂稱疾不起久之因

託瘖病五年執除金紫光祿大夫加散騎常侍
建義元年除儀同三司王既絕言垂將一紀居
於龍花寺無所交通永安末有白莊帝者言王
不語將有異圖民間遊聲又云有天子之氣王
懼禍逃匿上洛尋見追躡執送京師拘禁多日
以無狀獲免及莊帝崩介朱世隆等以元暉踈
遠又非人望所推以王潛嘿晦身有過人之量
將謀廢立恐實不語乃令王所親申其意且兼
迫脅王遂荅曰天何言哉世隆等笑悅春二月

己巳暉進至邛南世隆等奉王東郭之外行禪
讓之禮羣臣上表曰否泰必時殷憂啓聖故六
飛在御三石興符伏惟陛下運屬年齒智周力
物獨昭敷象妙極天人寶曆有歸光宅攸屬而
將安獨善不務兼濟靈命徘徊幽明載佇伏願
時順謳謠念茲宗祏用捨勞疾允荅人神王荅
曰自量眇身是以讓執然王公勤至不可拒違
今敬承所陳惟愧弗堪負荷耳太尉公介朱度
律奉進爾璽綬袞冕之服乃就輅車百官侍衛入

自建春雲龍門昇太極前殿羣臣拜賀禮畢登
 闔闔門詔曰朕以寡薄撫臨万邦思與億兆同
 茲慶泰可大赦天下以魏為大魏改建明二年
 為晉泰元年其稅市及稅鹽之官可悉廢之百
 雜之戶貸賜民名官任仍舊天下調絹四百一
 匹内外文武普汎四階合叙未定第者亦沾
 級除名免官者特復本資品封依舊潁川王介
 朱兆彭城王介朱仲遠隴西王介朱天光樂平
 王介朱世隆常山王介朱度律車騎大將軍儀

同三司齊獻武王都督斛斯椿下軍士普汎六
 級庚午詔曰朕以眇身臨王公之上夕惕祇懷
 若履冰谷賴七廟之靈百辟忠誠之舉庶免墜
 歿夫三皇稱皇五帝云帝三代稱王迭冲滛也
 自秦之末競為皇帝忘負乘之深殃垂今負鄙於
 万葉予今稱帝已為褒矣可普星只令知是月鎮
 遠將軍清河崔祖螭聚青州七郡之眾十餘万
 人圍東陽幽州刺史劉靈助起兵於薊撫軍將
 軍金紫光祿大夫兼侍中河北大使高乾邕及

自建春雲龍門昇太極前殿羣臣拜賀禮畢登
 閭闔門詔曰朕以寡薄撫臨万邦思與億兆同
 茲慶泰可大赦天下以魏為大魏改建明二年
 為晉泰元年其稅市及稅鹽之官可悉廢之百
 雜之戶貸賜民名官任仍舊天下調絹四百一
 匹内外文武普汎四階合叙未定第者亦沾
 級除名免官者特復本資品封依舊額川王介
 守北彭城王介朱仲遠隴西王介朱天光樂平
 王介朱世隆常山王介朱度律車騎大將軍儀

同三司齊獻武王都督斛斯椿下軍士普汎六
 級庚午詔曰朕以眇身臨王公之上夕惕祇懷
 若履冰谷賴七廟之靈百辟忠誠之舉庶免墜
 歿夫三皇稱皇五帝云帝三代稱王迭冲暹也
 自秦之末競為皇帝忘負乘之深殃垂今負鄙於
 万葉予今稱帝已為衰矣天可並星只令知是月鎮
 遠將軍清河崔祖螭聚青州七郡之眾十餘万
 人圍東陽幽州刺史劉靈助起兵於薊撫軍將
 軍金毗光祿大夫兼侍中河北大使高乾邕及

弟平北將軍通直散騎常侍教曹晏衆夜襲冀
州執刺史元凝殺監軍孫白鷄共推前河內太
守封隆之行州事三月癸酉封長廣王暉為東
海王詔太師驃騎大將軍青州刺史魯郡王肅
還為太師特進車騎大將軍沛郡王欣為大傅
司州牧改封淮陽王驃騎大將軍開府儀同三
司徐州刺史彭城王尒朱仲遠驃騎大將軍儀
同三司雍州刺史隴西王尒朱天光並為大將
軍柱國大將軍并州刺史潁川王尒朱亮為天

柱大將軍驃騎大將軍儀同三司左衛將軍大
都督晉州刺史平陽郡開國公齊獻武王封勃
海王增邑五百戶特進車騎大將軍清河王亶
為儀同三司侍中太傅驃騎大將軍開府儀同
三司尚書百令樂平王尒朱世隆為太保開府前
軍從公長孫稚為太尉公錄尚書事侍中驃騎
大將軍開府儀同三司趙郡王諶為司空公稚
固辭尋除驃騎大將軍開府儀同三司丙子帝
司亮尚書右僕射元羅及皇宗於顯陽殿勞勉

弟平北將軍通直散騎常侍敷曹暹衆夜襲冀
州執刺史元疑殺監軍孫白鷄共推前河內太
守封隆之行州事三月癸酉封長廣王暉為東
海王詔太師驃騎大將軍青州刺史魯郡王肅
還為太師特進車騎大將軍沛郡王欣為大傅
司州牧改封淮陽王驃騎大將軍開府儀同三
司徐州刺史彭城王尙朱仲遠驃騎大將軍儀
同三司雍州刺史隴西王尙朱天光並為大將
軍柱國大將軍并州刺史潁川王尙朱亮北為天

驍大將軍驃騎大將軍儀同三司左衛將軍大
都督晉州刺史平陽郡開國公齊獻武王封勃
海王增邑五百戶特進車騎大將軍清河王暹
為儀同三司侍中大傅驃騎大將軍開府儀同
三司尚書令樂平王尙朱世隆為大保開府前
員從公長孫稚為太尉公錄尚書事侍中驃騎
大將軍開府儀同三司趙郡王諶為司空公稚
固辭尋除驃騎大將軍開府儀同三司丙子帝
司臧尚書右僕射元羅及皇宗於顯陽殿勞勉

之丁丑加驃騎大將軍北華州刺史公孫略儀
同三司己卯詔右衛將軍賀拔勝并尚書一人
募後作及雜戶從征者正入出身皆授實官私
馬者優天階庚辰以侍中衛將軍咸陽王坦
衛將軍尚書左僕射南陽王寶炬侍中征東將
軍平陽王脩並儀同三司乙酉詔簡北來及在
京二官員外剩置者己丑以持節驃騎將軍涇
州刺史賀拔岳爲儀同三司岐州刺史使持節
車騎大將軍渭州刺史侯莫陳悅爲儀同三司

秦州刺史庚寅詔天下有德孝仁賢忠義志信
者可以禮召赴闕不應召者以不敬論丙申劉
靈助率衆次於安國城定州刺史侯淵破斬之
傳首京師戊戌以使持節侍中車騎大將軍斛
斯椿侍中衛將軍元受並特進儀同三司詔曰
頃官方失序仍令沙汰定員簡剩已有判決退
下之徒微亦可愍諸在簡下可特優一級皆授
將軍預參選限隨能補用是春冠軍將軍南青
州刺史茹懷朗使其部將何寶率步騎三千擊

蕭衍守將於琅邪擒其尚書左僕射儀同三司
 雲麾將軍徐兗二州刺史劉相如夏四月癸卯
 幸華林都亭燕射班錫有差天樂奏伎有倡優
 為愚癡者帝以非雅戲詔罷之壬子有事於太
 廟癸丑詔以齊獻武王為使持節侍中都督冀
 州諸軍事驃騎大將軍開府儀同三司大都督
 東道大行臺冀州刺史驃騎大將軍安定王介
 朱智虎為開府儀同三司肆州刺史乙卯以右
 衛將軍賀拔勝武衛將軍大野拔並為儀同三

司己未帝於顯陽殿簡試通直散騎常侍散騎
 侍郎通直郎剩員非才他轉之癸亥隴西王介
 朱天光大破宿勤明達擒送京師斬之丙寅以
 侍中驃騎大將軍介朱彥伯為司徒公詔有司
 不得復相偽梁罷細作之條無禁鄰國往還詔
 員外諫議大夫步兵校尉奉車都尉羽林監給
 事中積射將軍奉朝請殿中將軍宮門僕射殿
 中司馬督治禮部十一官得俸而不給力老合
 外選者依常格其未老欲外選者聽解其七品

以上朔望入朝若正負有闕隨才進補前負外
簡返優階者追之稱事簡下者仍優二級先是
南陽太守趙脩延執刺史李琰之五月丙子荆
州城民斬脩延送首還推琰之為刺史介朱仲
遠使其都督魏僧勗等討崔祖蠕於東陽擒斬
之六月庚申齊獻武王以介朱逆亂始興義兵
於信都西定殷州斬其刺史介朱羽生命南趙
郡太守李元忠為刺史鎮廣阿癸亥帝臨顯陽
殿 免訟戊辰以使持節驃騎大將軍開府

介未弼為儀同三司秋七月壬申介朱世隆等
害前太保楊椿前司空公楊津及其家丙戌司
徒公介朱彥伯以旱遜位戊子除彥伯侍中開
府儀同三司庚寅以侍中太保開府尚書令樂
平王介朱世隆為儀同三司位次上公八月庚
子詔隴西王介朱天光下文武討宿勤明達者
汎三級潁川王介朱兆率步騎二萬出井陘趨
殷州李元忠棄城還信都丙午常山王介朱度
律彭城王介朱仲遠等率衆出抗義旗九月丁

丑以侍中驃騎將軍盧同驃騎大將軍杜德車
騎大將軍橋寧並為儀同三司己卯以使持節
都督東道諸軍事兼尚書令東道大行臺彭城
王介朱仲遠為太宰庚辰加使持節大將軍都
督關中諸軍事兼尚書令西道大行臺隴西王
介朱天光為大司馬驃騎大將軍青州刺史開
府儀同三司穆紹薨癸巳追尊皇考為先帝皇
妣王氏為先太妃封皇弟永業為高密王皇子
子恕為勃海王冬十月壬寅齊獻武王推勃海

太守元朗即皇帝位於信都

二年春三月齊獻武王敗介朱天光等於韓陵
夏四月辛巳齊獻武王與廢帝至邳山使魏蘭
根慰諭洛邑且觀帝之為人蘭根忌帝雅德還
致毀謗竟從崔悛議廢帝於崇訓佛寺而立平
陽王脩為帝帝既失位乃賦詩曰朱門久可患
紫極非情翫顛覆立可待一年三易換時運正
如此唯有修真觀太昌初帝殂於門下外省時
年三十五出帝詔百司赴會大鴻臚監護喪事

三〇
魏書卷之十一
徐文
葬用王禮加以九旒鑾輅黃屋左纛縣珽劍百二十人二衛羽林備儀衛

後廢帝諱朗字仲哲章武王融第三子也母曰程氏少稱明悟永安二年爲肆州魯郡王後軍府錄事參軍儀同開府司馬元暉之建明二年正月戊子爲冀州勃海太守及齊獻武王起義兵將誅暴逆乃推戴之冬十月壬寅即皇帝位於信都城西昇壇焚燎大赦稱中興元年文武百官普汎四級以齊獻武王爲侍中丞相都督中外諸軍事大將軍錄尚書事大行臺置百三萬戶以兼侍中撫軍將軍河北大使高乾邕爲侍中司空公前平北將軍通直散騎常侍高敖曹爲驃騎大將軍儀同三司冀州刺史以終其身以前刺史元嶷爲儀同三司己酉介朱度律介朱仲遠斛斯椿賀拔勝賈顯智於陽平將抗義師齊獻武王縱反間構之遂與介朱兆相疑敗散而還辛亥齊獻武王大破介朱兆於廣阿虜其卒五千餘人詔將士汎五級留守者二

級詔征東將軍吏部尚書封隆之爲使持節北
道大使隨方處分十有一月己巳詔曰王度期
開彛倫方始所班官秩不改舊章而無識之徒
因茲僥倖謬增軍級虛名顯位皆言前朝所被
理難推抑自非嚴爲條制無以防其僞竊諸有
虛增官號爲人發紕罪從軍法若入格檢覈無
名者退爲平民終身禁錮庚辰齊獻武王率師
攻鄴城是年南兗城民王乞德逼前刺史劉世
明以州降蕭衍衍使其將元樹入據譙城

二年春正月壬午拔鄴擒刺史劉誕詔諸將士
汎四級封侯增邑九十七人各有差等祭未詔
曰自中興草昧典制摧輿郡縣之官率多行督
假有正者風化未均眷彼周餘專爲漁獵朕所
以夙興夜寢有惕於懷有司明加糾罰稱朕意
焉二月辛亥上孝莊皇帝諡曰武懷皇帝甲子
以齊獻武王爲大丞相柱國大將軍太師增封
三万户并前爲六万户三月丙寅以齊文襄王
起家爲驃騎大將軍儀同三司丙子以待中車

騎大將軍尚書左僕射孫騰爲驃騎大將軍儀
同三司丁丑車駕幸鄴乙未詔文武家屬自信
都赴鄴城閏月乙未爲安北將軍光祿大夫傅
野縣開國伯尉景爲驃騎大將軍儀同三司丙
申以衛將軍金紫光祿大夫庾干爲車騎大
將軍儀同三司壬寅尒朱天光兆度律仲遠等
屯於洎水之南癸丑齊獻武王出頓紫陌庚申
尒朱兆率輕騎三千夜襲鄴城叩西門不尅退
走壬癸齊獻武王大破尒朱天光等四胡於韓

陵前廢帝鎮軍將軍賀拔勝徐州刺史杜德於
陳降尒朱兆走趨并州仲遠奔東郡天光度律
將赴洛陽大都督斛斯椿賈顯智倍道先還夏
四月甲子朔椿等據河橋懼罪自劾尋擒天光
度律於河橋西北大行臺長孫稚都督賈顯智
等率騎入京師執尒朱世隆彥伯斬於都街囚
送天光度律於齊獻武王辛未前廢帝驃騎大
將軍行濟州事侯景據城降仍除儀同三司兼
尚書僕射南道大行臺濟州刺史甲戌以車騎

將軍尚書右僕射魏蘭根為驃騎大將軍儀同
三司乙亥以車騎大將軍儀同三司中軍大都
督高盛兼尚書僕射北道行臺隨機處分朱
仲遠奔蕭衍青州刺史朱弼為其部下馮紹
隆所殺傳首京師丙子前廢帝安東將軍辛永
右將軍建州大都督張悅舉城降辛巳車駕至
河陽遜位於別邸太昌元年五月封安定郡王
邑一万户後以罪殂於門外省時年二十一永
熙二年葬於鄴西南野馬岡

出帝諱脩字孝則廣平武穆王懷之第三子也
母李氏性沉厚少言好武事始封汝陽縣開國
公拜通直散騎侍郎轉中書侍郎建義初除散
騎常侍尋遷平東將軍兼太常卿又為鎮東將
軍宗正卿永安三年封平陽王普泰初轉侍中
鎮東將軍儀同三司兼尚書右僕射又加侍中
尚書左僕射中興二年夏四月安定王自以踈
遠未允四海之心請遜大位齊獻武王與百寮
會議僉謂高祖不可無後乃共奉王戊子即帝

位於東郭之外入自東陽雲龍門御太極前殿
羣臣朝賀禮畢昇闈闔門詔曰否泰相沿廢興
乎有立天無所隱精靈弗能諭大魏統乾德漸
區寓牢籠九服旁礴三光而上天降禍運踵多
難禮樂崩淪憲章漂沒赫赫宗周翦為戎寇肅
肅清廟將成茂草胡羯乘機肆其昏虐殺君害
王剽劫海內競其天噬之意不識醉飽之心自
書梁以來未有若斯者已大丞相勃海王忠存
本朝精貫白日且久舉義旗志雪國恥故廣阿之

軍貔虎奪氣鄴下之師金湯失險近者四胡相
率宜是繁有徒驅天下之兵盡華戎之銳桴鼓
交一朝湯盪滅元兇授首大憝斯擒揚旆濟河掃
清伊洛士民安堵不失舊章社稷危而復安洪
基毀而還構朕以託體宸極猥當樂推祗握寶
圖承茲大業得以眇身託於王公之上若涉淵
水罔識攸津思與兆民同茲嘉慶可大赦天下
改中興二年為太昌元年詔前御史中尉樊子
鵠起復本官兼尚書左僕射東南道大行臺都

督儀同三司徐州刺史杜德討元樹齊獻武王
上言建義之家枉爲介朱氏籍歿者悉皆蠲免
帝以世易復除齊獻武王爲大丞相天柱大將
軍太師世襲定州刺史增封九万并前十五万
戶庚寅加齊文襄王侍中開府儀同餘如故壬
辰齊獻武王還鄴車駕餞別於乾脯山五月丙
申前廢帝廣陵王殂以太傅淮陽王欣爲太師
封沛郡王司徒公趙郡王諶爲太保侍中驃騎
大將軍開府儀同三司清河王亶儀同三司使
持節侍中驃騎大將軍開府儀同三司司州牧
南陽王寶炬爲太尉公侍中太保錄尚書事長
孫稚爲太傅侍中驃騎大將軍尚書左僕射元
羅儀同三司尚書令驃騎大將軍吏部尚書元
世儁儀同三司戊戌以齊獻武王因讓聽解天
柱大將軍減封五万户餘悉如故辛丑以前司
空高乾豈復爲司空公乙巳帝幸華林都亭宴
羣臣班賚有差羽林隊主唐猛突入稱慶帝以
猛犯禁衛杖之猛辭色有忤斬之階下丁未詔

大...十四
日無悔悼獨事炳前經惠此鰥寡聲留往冊朕
以薄德作民父母乃眷元元寤言增歎今理運
惟新哀矜伊始如有孤老疾病無所依歸者有
司明加隱括依格賑贍又詔曰理有一準則民
無覬覦法啓一門則吏多威福前主為律後主
為令歷世永久寔用滋章非所以準的庶品陽
防万物可令執事之官四品以上集於都省取
諸條格議定一途其不可施用者當局停記新
定之格勿與舊制相連務在約通無致

西以侍中驃騎大將軍儀同三司清河王暉為
司徒公庚戌詔曰頃西土年飢百姓流徙或身
倚溝渠或命懸道路比見棄草土取厭烏鴞言
念於此有警言夜寐掩骼之禮誠所庶幾行瑾之
義冀亦可勉其諸有露屍今所在埋覆可宣告
天下乙卯詔外內解嚴六月癸亥朔帝於華林
園納訟丙寅蠕蠕嚙啞高麗契丹庫莫奚國並
遣使朝貢丁卯太尉公司州牧南陽王寶炬坐
事降為驃騎大將軍開府王如故歸第令羽林

衛守改謚武懷皇帝曰孝莊癸酉蠕蠕嚙啞國
遣使朝貢戊寅詔內外百司普汎六級在京百
寮加中興四級義師將士並加軍汎六級在鄴
百官三級河北同義之州兩級河橋建義者加
五級關西二級諸受建明普泰封爵汎級優特
之階悉追已卯帝臨顯陽殿納訟乙酉高麗契
丹庫莫奚國遣使朝貢丙戌以前驃騎大將軍
開府儀同三司斛斯椿還為前官詔曰間者凶
權誕恣法令變常遂立夷貊輕賦冀收天下之

意隨以箕斂之重終納十倍之征掩目捕雀何
能過此朕屬念蒸黎無志寔哀良加田桑始事生
業未滋若頓依常格或不周展今歲租調且兩
收一巧來年復舊辛卯以使持節衛大將軍儀
同三司尚書左僕射賈顯度為驃騎大將軍開
府儀同三司秋七月乙未詔曰頃永安馭運載
育皇儲遂錫汎階以申國慶近經普泰便爾中
追今罪人既歿舊章斯復宜述往旨用卒前恩
皇子汎二級悉可還授文穆廟汎故宜停寢若

已受者依例追之庚子以驃騎大將軍開府南陽王寶炬為太尉公壬寅齊獻武王率眾入自滏口大都督庫秋千入自井陘討介朱兆乙巳齊獻武王以介朱天光介朱度律送之京師斬於都市己酉以兼尚書左僕射東南道大行臺樊子鵠為儀同三司庚戌詔侍中驃騎將軍左光祿大夫高隆之為使持節驃騎大將軍儀同三司兼尚書左僕射北道行臺率步騎十萬趨太行會齊獻武王隆之仍為大丞相軍

司齊獻武王於武鄉介朱兆大掠晉陽北走秀容并州平乙卯帝臨顯陽殿親理冤獄丙辰以宗師東萊王貴平為車騎大將軍儀同三司是月夏州徙民郭遷據宥州反刺史元寔棄城走詔行臺侯景瑊齊州刺史尉景濟州刺史蔡雋等攻討之城陷遷奔蕭衍東南道大行臺樊子鵠大破蕭衍軍於譙城擒其鄴王元樹及譙州刺史朱文開八月壬戌朔齊文襄王來朝燕射班賚部下各有差丁卯以西中郎將元寧為

萬平王甲戌以車騎大將軍左光祿大夫李琰
之為儀同三司庚寅以車騎將軍左光祿大夫
崔秉為驃騎大將軍儀同三司辛卯以車騎將
軍右光祿大夫高岳為驃騎大將軍儀同三司
九月癸未以侍中驃騎大將軍左光祿大夫封
津為儀同三司庚子帝幸華林都亭引見元樹
及公卿百寮蕃使督將等宴射班賚各有差矣
卯燕郡開國公賀拔允進爵為王乙巳帝幸都
水南過洛水遂至瀍澗己酉復田于北原癸丑

以太師沛王欣為廣陵王前廢帝子勃海王子
恕改封沛郡王甲寅以侍中驃騎大將軍封陰
之任祥並為儀同三司以車騎大將軍河南尹
元仲景為驃騎大將軍儀同三司乙卯車駕謁
山陵丙辰蠕蠕高昌國遣使朝貢庚中以衛將
軍前吏部尚書李神雋撫軍將軍右衛將軍婁
昭並為驃騎大將軍儀同三司冬十月甲子以
使持節衛將軍光州刺史高仲密為車騎大將
軍儀同三司丁卯以車騎大將軍左光祿大夫

潘蠻為儀同三司己卯以車騎大將軍左光祿大夫高琛為特進驃騎開府儀同三司庚寅以使持節驃騎將軍肆州刺史劉貴為驃騎大將軍儀同三司十一月甲午以車騎將軍揚州刺史斛斯敦為驃騎大將軍儀同三司丁酉日南至車駕有事於圓丘戊戌朝會百官於太極前殿甲辰安定王朗及東海王暉坐事死乙巳蠕蠕國遣使朝貢己酉以前太尉公汝南王悅為侍中大司馬開府葬靈太后胡氏十有二月

丙寅以驃騎大將軍領御史中尉綦儁為儀同三司乙亥以侍中廣平王杰贊為驃騎大將軍開府儀同三司丁亥殺大司馬汝南王悅大赦天下改太昌為永興以太宗號尋改為永熙元年二年春正月庚寅朔朝饗羣臣于太極前殿甲午齊獻武王自晉陽出討介休朱兆丁酉大破之於赤洪嶺兆遁走自殺己亥車駕幸崧高石窟靈巖寺庚子又幸敬施各有差庚戌儀同三司李琰之薨丁巳追尊皇考為武穆帝皇太妃馮

氏爲武穆后皇妣李氏爲皇太妃以驃騎將軍
前滄州刺史高聿爲驃騎大將軍儀同三司蕭
衍勞州刺史曹鳳東荊州刺史雷能勝等舉城
內屬二月庚申以使節鎮東將軍行汾州事
張瓊爲驃騎大將軍儀同三司辛酉以司空公
高乾豈爲使持節驃騎大將軍開府儀同三司
咸陽王坦爲司空公三月巳丑朔加驃騎大將
軍滄州刺史賈顯智開府儀同三司辛卯詔以
前普解諸行臺今阿至羅相率降款復以爲獻

武王爲大行臺隨機裁處甲午以車騎將軍蔚
州刺史竇泰爲使持節車騎大將軍開府儀同
三司相州刺史使持節驃騎大將軍開府儀同
三司徐州刺史高乾筮坐事賜死太師魯郡王
肅薨戊申以使持節都督河渭部三州諸軍事
騎騎大將軍世襲河州刺史梁景睿爲儀同三
司丁巳以待中太保司州牧趙郡王諶爲大尉
公加羽葆鼓吹侍中太尉公南陽王寶炬爲太
尉開府尚書令夏四月戊辰詔諸叅佐自三府

以下爰及外州皆不得復加常侍及兼兩員雖
已授者亦悉追之是月青州人耿翔龍襲膠州
殺刺史裴粲遁於蕭衍五月庚寅詔諸幽枉未
由事經一周已上悉集華林將親覽察脫事已
經年有司不列者聽其人各自陳訴若事連州
郡由緣淹歲者亦仰尚書認集以聞壬寅以使
持節驃騎大將軍儀同三司齊州刺史侯淵復
爲開府儀同三司乙巳詔曰大夫之職位扶貴
顯負外之官亦爲匪賤而下及胥吏帶領非一

高卑渾雜有損彛章自今已後京官樂爲稱事
小職者直加散號將軍願罷卑官者聽爲大夫
及員外之職不宜仍前散實參領其中旨特加
者不在此例東徐州城民王早簡實等殺刺史
崔庠據州入蕭衍六月壬申以驃騎大將軍開
府儀同三司尚書右僕射樊子鵠爲青膠大使
督濟州刺史大都督蔡雋討耿翔丁丑以驃騎
大將軍前行南兗州事念賢爲儀同三司秋七
月辛卯以使持節鎮北將軍大都督秦州刺史

魏書卷之十一
三十一
萬俟普撥為驃騎大將軍儀同三司壬辰以太
師司州牧廣陵王欣為大司馬侍中以太尉公
趙郡王諶為太師並開府庚戌以前司徒公燕
郡王賀拔允為太尉公八月乙丑齊文襄王來
朝帝燕於華林都亭班表其部下各有差以驃騎
大將軍前南岐州刺史司馬子如為儀同三司
戊辰車駕餞文襄王於河梁仍濟河而返癸酉
齊獻武王上表固讓王爵不許請分邑十萬戶
節降為品回授勳義從之九月壬子以散騎常

侍車騎大將軍左光祿大夫崔孝芬為儀同三
司冬十月癸未以衛將軍瓜州刺史秦臨縣開
國伯高昌王麴子堅為儀同三司進爵郡王十
有一月癸巳持節征北將軍殷州刺史邸珍為
徐州大都督東道行臺僕射率將討東徐州十
有二月丁巳車駕狩於嵩陽巳巳遂幸溫湯丁
丑車駕還宮

三年春正月壬辰齊獻武王討費也頭於河西
苦洩河大破之獲其師統豆陵伊利遷其部落

於內地二月東梁州為夷民侵逼詔使持節車
騎大將軍行東雍州事泉金為東梁州行臺都
督以討之己未蕭衍假節豫州刺史南昌王毛
香舉城內附授以持節安南將軍信州刺史義
昌王壬戌大赦天下丙子帝親釋奠禮先師辛
巳幸洪池陂遂遊田壬午以衛將軍前徐州刺
史元祐為衛大將軍儀同三司以驃騎將軍左
衛將軍元斌之為潁昌王三月壬寅以前侍中
車騎大將軍李暉為驃騎大將軍儀同三司夏

四月戊午契丹國遣使朝貢辛未高平王寧坐
事降爵為公丙子高麗國遣使朝貢五月丙戌
增置勳府庶子廂別六百人又增騎官廂別二
百人依第出身騎官秩比直齋辛卯詔曰大魏
得一居宸乘六馭寓考風雲之所會宅日月之
所中自北而南東征西怨后來其蘇無思不假
而句吳負險久遺度外世祖太武皇帝握金鏡
以照耀擊玉鼓以鏗鏘神武之所牢籠威風之
所輻輳莫不雲徹霧卷瓦解冰消長江已北盡

爲魏士頃天步中圯國綱時屯凶豎因機下窺
上國疆場侵噬州郡淪胥乃眷東顧無忘寢食
自非五牛警飾七萃按部何以復文武之舊業
拯塗炭於遺黎朕將親搃六軍徑臨彭汭一勞
永逸庶保無疆內外百寮便可嚴備出頓之期
更聽後勅時帝爲斛斯椿元毗王思政魏光等
諂佞間阻貳於齊獻武王託討蕭蕭愆威夏徵發
河南諸州之兵天下恠惡之語在斛斯椿傳丙
申以使持節侍中大司馬開府司州牧廣陵王

欣爲左軍大都督大傅領尚書事長孫稚爲中
軍四面大都督丁酉帝幸華林都亭集京畿都
督及軍士三千餘人慰勉之庚子又幸華林都
亭納訟壬寅又以長孫稚爲後軍大都督六月
丁卯大都督源子恭鎮胡陽汝陽王暹守石濟
儀同三司賈顯智率豫州刺史斛斯壽東趨濟
州庚午吐谷渾國遣使朝貢丙子詔曰頃年以
來天步時阻干戈不戢荆棘斯生或徇節感恩
奮不顧命或臨戎對敵赴難如歸身首橫分骸

骨不斂動誠靡錄然贈莫加寤寐矜之良有嗟
悼可曾告內外所在言列若無親近聽故友陳
之尚書檢實隨狀科贈庶粗慰寃魂少申惻隱
庚辰以使持節車騎大將軍中軍大都督斛律
沙門為開府儀同三司秋七月辛巳朔以鎮東
將軍前大鴻臚卿太原王昶特為車騎大將軍
儀同三司己丑帝親勅六軍十餘萬眾次於河
橋以斛斯椿為前軍大都督尋詔椿鎮虎牢又
詔荊州刺史賀拔勝赴於行所勝率所部次於

洪水庚子以使持節征西將軍宜政州刺史越肱
特為儀同三司丁未帝為椿等追廢遂出於長
安己酉齊獻武王入洛賀拔勝走還荊州八月
甲寅推司徒公清河王亶為大司馬承制勅萬
幾居尚書省自辛酉齊獻武王西迎車駕戊辰制
曰晦為明始亂實治基爰著大道又符人事故
姬祚中微踐土有勤王之役劉氏將傾北軍致
左袒之舉用能隆此遠年克茲上世永熙之季
權安擅朝羣小是崇勳賢見害官緣價望貴賤

獄因貨而死生宗祏飄若綴旒民命棄如草芥
大丞相位居晉鄭在屬相文興甲汾川問罪伊
洛羣女姦畏威擁迫人主以自蔽衛遠出秦方雖
車駕流移未即返御然權佞將除天下延頸魏
邦雖舊其化惟新思與兆民同茲更始可大赦
天下行臺侯景討荊州賀拔勝戰敗走奔華嚴衍
九月癸巳以衛大將軍河南尹元子思為使持
節行臺僕射使持節驃騎大將軍開府儀同三
司領軍將軍婁昭為西道大都督并率左右侍
官西迎車駕巳酉椿賞宅鴻賓守潼關齊獻武
王破擒之是日齊獻武王東還於洛是月東清
河人傅鼎殺太守韓子捷據郡反會赦乃降冬
十月戊辰使持節驃騎大將軍開府儀同三司
行青州事侯淵克東楊州斬刺史東萊王貴平
傳首京師閏十二月癸巳帝為守文黑獺所害

時年二十五

史臣曰廣陵廢於前中興廢於後平陽猜惑自
絕宗廟晉泰雅道居多永熙悖德為甚是俱

亡滅天下所棄與

廢出三帝紀第十一

魏書十一



